



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

XIV. Explicatur denuo 1. Mach. 12. 21. in quo agitur de Judaeorum & Spartanorum consanguinitate.

urn:nbn:de:hbz:466:1-16260

accepterat, ad Herculem quisque suum referret; sed Græci præcipue, gens mendax & fabulis ferendis nata. Cum ait ergo Herodotus se Tyri accepisse, Herculis templum, quod illuc extat, simul cum ipsa urbe fuisse conditum; Tyrum intellige Alexandri obsidione nobilitatam, quæ Trojano excidio non multo vetustior fuit, Iosua vero longe recentior; non vero Palætyrum, cuius sit in ipso Iosua libro mentio. Opinionem nostram plurimum juvat Pausanias, cum narrat Herculem Idaeum, sive Creticum, Tyri templum habuisse, ac Bœotis ignotum non fuisse. Unde facilis existimatio est, Tyrium Herculem, Creticum, & Thebanum unum esse. Thasii quoque Herculis templum Tyri fuisse docet Herodotus; Pausanias vero Thasios Herculem cumdem coluisse ac Tyrios. Magnificum illud Gaditanum templum Herculi Tyrio Phœnices condidisse & res ipsa clamat & docent Appianus & Arrianus. At idem Ægyptio Herculi fuisse extructum scribunt Philostratus & Pomponius Mela. Ægyptium Herculem patria lingua Chona dictum venisse in Italiam & nomen Chonibus dedisse legitur apud Phavorinum in Lexico, Is, si quid conjectura valeo, idem est ac Hercules Tyrius, sive Chananaeus. Nam Stephanus Phœnicen perhibet appellatam fuisse Χνα, & Phœnices Χναοι; & Sanchoniathonis Interpres Philo Byblus Chna primum Phœnicem cognominatum esse scribit. Chna autem manifesto est χνα, Chanana. Itaque Herculem Chona, qui Ægyptius dicitur, liquet eumdem esse ac Herculem Chnaum, sive Chananaum.

XIV. Jam vero munita nobis est via ad enodationem perdifficilis & vexatissima questionis, quæ oritur ex priore Machabaico, in quo Sparte rex Arius summo Judeorum Sacerdoti scribit, ex libro quodam didicisse se Judæorum fratres esse Spartanos, & utrosque Abrahami esse nepotes. Quamquam probabili conjectura supra ita explanata est hæc quæstio, ut hæc exppositio nostra nemini non possit sufficere; aliam nihilominus simpliciorem, & veri etiam, ne quid dissimilem, mea sententia aliquanto propiorem hic proponam. Lectori per me, utram volet, persequi fas esto. Constat Lacedæmoniorum reges, ac proinde Arium hunc, ad Herculem genus suum retulisse: quemadmodum fabulosa fere sunt initia veteristarum ac nobilium familiarium, & olim in Græcia generosus quisque ac natalibus clarus Deum aliquem stirpis suæ auctorem jaçare solebat. Herculem autem quemdam Tyrum, necnon & Ægyptium Herculem pervulgata hominum fama celebrari ignorare non potuit Arius, re tot indicis expressa. Hos, ipsumque adeo Thebanum, non multos ac diversos, sed unum & eundem fuisse hominem, eumque Judæum, ex libri alicuius lectione, & ex rei veritate certior Arius fieri potuit; atque ita se Judæis, ipsoque Abrahamo originum, ac Judeorum fratrem reputare. Dices scriptissime Arium Spartanos & Judæos fratres esse, atque eo non Lacedæmonios solum reges, sed totam gentem significari. Respondeo numerosam fuisse & amplam regiam Heraclidarum familiam, teste Plutarcho, cuius verba hæc sunt: ἦν ἀναγκὴ πόνου δεσμοῖς οὐ κέρπεται δὲ τοις πολεούντος, πολὺ μᾶλις αἴσθηται καὶ λαμπτεῖν πόνον φέρει. Ex Heraclidi, qui Dorienibus permitti sunt, & in Peloponnesum redierunt, ampla Sparta & clara gens floruit: in ea que, ut pote præcipua ac nobilissima Spartanæ gentis parte, totam gentem potuisse comprehendendi, præfertum cum orti essent ex ea Reges ipsi, totius autem Reipublicæ personam Rex sustineat: Est enim, inquit Cicero, proprium munus magistratus, intelligere se gerere personam civitatis. Alia præterea conjectura nodum hunc solvere promtum est, si fidem aliquam possemus iis adjungere qua de Lacedæmonis origine ab Honorio Augustodunensi tradira sunt. Scribit ille libro tertio de imagine mundi, tempore Moïs Lacedæmonem à Cecrope fuisse conditam. Cum autem Cecropem esse Moïsem supra demonstraverim, dicerem Arium ea re deprehensa, Moïsem urbis suæ conditorem, gentisque auctorem credidisse, atque hinc esse ratum unam eamdemque fuisse Spartanorum ac Judæorum originem. Verum Honori illius auctoritati parum tribuo, mihique Spātam cum Athenis à Cecrope conditis videtur confundere.

